

بِسْمِ اللَّهِ الرَّحْمَنِ الرَّحِيمِ

اسرار السنن

کلام

حضرت غریب شاہ صاحب
قادری نوشاہی

خلیفہ مجاز سید فقیر اللہ شاہ صاحب
کاظمی المشہدی قادری نوشاہی

درگاہ عالیہ بدو ملبی شریف ضلع نارووال



آکے لیں توں سار میری، کیوں وساریا ای درداں والیاں نوں
ہتھیں لایا ای پانی پایا ای، ایہناں سکیاں ٹیٹاں ڈالیاں نوں
شاخاں سبز ہونیاں تیرے ذکر اندر، ربا فیر میلیں اوہناں مالیاں نوں
غریب شاہ کراوندی کونج وانگوں، جدوں دیکھنی ہاں سجاں خالیاں نوں



باجھ تساڈڑے درس مینوں، کئی برس ہوئے نعرے مار دی نوں
کدی کرم کرو تیج گرم کرو، سانس لبّاں تے آس دیدار دی نوں
روندے نین بے چین آرام، نانیں عالی ذات دا نام پکار دی نوں
غریب شاہ سیاہ سفید ہوئے، پانواں آونسیاں شگن و چار دی نوں



تور بیٹھی تھی آپ ہتھیں، اوہناں ویلیاں نوں پچھوتاؤنی ہاں
خالی دیکھ مکان ویران تیرے، بندی راگ وچھوڑے دے گاؤنی ہاں
نخی تیج تے وانگ آزاریاں دے، پئی دس دی کسے نہ بھاؤنی ہاں
غریب شاہ ہن آجے آونا ایں، نہیں تاں گور تیار میں جاؤنی ہاں



ہااتی صدق یقین سیتی، پھراں قدم تے دیاں دوہائیاں میں
 کریں ترس خدائی دا واسطہ ای، جان بھہ توں کسے دی جائیاں میں
 تیری ہو کے دکھاں دے ہار ہ مے، لکھ لکھ مصیبتاں پائیاں میں
 غریب شاہ اس عشق تھیں کھٹیا کیہ، ایویں نج محبتاں لائیاں میں



جان میری دکھاں آن کھیری، کدی پا پھیری لئیں سار میری
 دیکھاں مکھ تیرا جادے دکھ میرا، نوشوہ کھت پھیرا ایہو وار میری
 کئی برس ہوئے ناہیں درس ہوئے، اسیں ترس موئے رونا کار میری
 غریب شاہ نگاہ دی چاہ مینوں، رہے مردیاں تیک دلدار تیری




جم کے سکھ کیہہ پایا میں، لگے دکھ نمائی نوں لکھ مائے
 جمدی مار گھٹار مکاندیوں نی، ایسی تیزی دھی نہ رکھ مائے
 جس لایا داغ نہ بھاگ جوگی، بیٹھی عشق مجاز نوں چکھ مائے
 غریب شاہ جو عشق اجاڑیاں نہیں، گلیاں وچ چکیندیاں لکھ مائے




حرف حکایتاں بھل گئیاں، جہوں عشق نے آن بہار کہتا
گئے تیر کاری، ہوئے پھٹ جادی، سید سل کے چادر سار کہتا
سناں دین متیں گوشتے بیٹھ کتیں، گھر باہر تھیں نیو بہار کہتا
غریب شاہ پیارے دے نام اتوں، اسماں جان تے مال غار کہتا



خبر ہووے ساڈے ساتھیاں نوں، بدھے ہمار تے اتیں تیار ہوئے
جیڑے گئے اگے صبح شام ساٹھی، پہلے پورا وہ جانڈے پار ہوئے
اتھے رہن واکوئی مقام نامیں، خالی حرم دے گرم بازار ہوئے
غریب شاہ افسوس دے ہمار بدھے، کئی گئے تے لکھ تیار ہوئے



دس ہاں بات نہات والی، میرے دکھڑے ٹدھ نوارنے نی
ندی عشق دی بے کنار دھوں، بدھی وانگ ٹہے بیڑے تارنے نی
دوئی دسدے نفس شیطان دونویں، تیری نال امداد دے مارنے نی
غریب شاہ غریب دے کم سارے، ہتھیں اپنی آپ سوارنے نی



ذکر تیرا ڈٹھا بہت مٹھا ، عالی ذات کولوں ایہو سنگنی ہاں
میں ناپاک ہاں پاک ہے نام تیرا ، عیب اپنے ویکھ کے سنگنی ہاں
لوہا اپنے آپ نوں جانیاں میں ، پارس نام تیرا لاء لاء سنگنی ہاں
غریب شاہ میاں سونا صاف دے ، جدوں نال گھسوٹی دے ڈنگنی ہاں



رین وچھوڑے دی بری لوکو ، کسے بڑے دے نہ مقسوم ہووے
جیہڑا ملے تے وچھڑے فیر جانے ، بناں وچھڑے کیہہ معلوم ہووے
آرہ عشق دا سہن محال سرتے ، اکو وار تلوار دی دھوم ہووے
غریب شاہ اوہ مویانہ جیوندا اے ، جیہدے عشق دے مگر ہجوم ہووے



زور نہ رہیا ہے وچ میرے ، برہوں ہڈ گوڈے سارے چور کیتے
منجے پا کے وانگ آزاریاں دے ، ساتوں خویش قبیلڑے دور کیتے
ہن مویاں ویں باز نہ آوندا اے ، کیہڑے ایسدے اساں قصور کیتے
غریب شاہ پیارے دے دیکھنے نوں ، اساں دکھتے درد منظور کیتے



ہک تیری وج اک ہوئی ، اک صبر دا جام پلا مینوں
 کھلی کھلی ڈھونڈی دتی ہاں ، کدی شاہ اسوار ملا مینوں
 لوشوہ لکدا کھک چڑھا آوے ، ہتھیں جہنم کے دے جکا مینوں
 غریب شاہ دے بخت بیدار ہون ، راز فقر بے کرے عطا مینوں



شرم تینوں میرے اوگناں دی ، پردے کج میرے میتھوں نس ناہیں
 صدقہ جد کریم دا بخشا ایں ، نیکی بدی کوئی ساڈا وس ناہیں
 تیرے نام دا آسرا رکھیا میں ، مزہ چکھیا میں ابے بس ناہیں
 غریب شاہ پیاس پیاس کردی ، جام وصل دا دے کے کھس ناہیں



صبر آرام حرام ہوئے ، دیکھیں حال میرا متوالیا وے
 راتیں کالیاں جالیاں وج جھلاں ، تیرے شوق پچھے بیلا بھالیا وے
 جھل چیر کے ہیر ظہیر دانگوں ، کدی آملیں بھورے والیا وے
 غریب شاہ فراق دی اگ لگی ، پرہوں جان ٹھگی بھانبر بالیا وے



ضرب لگی سیسے وچ میرے ، کنگن کچ وے وانگ میں چور ہوئی
 پئی جھورنی ہاں اوس ویلڑے نوں ، جدوں اپنے اصل تھیں دور ہوئی
 ڈھونڈاں فیر میں وصل نصیب ہووے ، تیج عین دے نور و نور ہوئی
 غریب شاہؔ ایہہ خاک سی پاک تیری ، پہلے روز دی نذر منظور ہوئی



طاقت رہے نہ مول ماسہ ، جتھے کرے واسا برہوں خون خورا
 ماس کھانیکے ہڈیاں رڑکدا اے ، پچھوں خاک اڈاوندہ دے زورا
 کسے دوئی دے ایہہ نہ پیش آوے ، جتھے قدم پاوے غم رہے جھورا
 غریب شاہؔ ضعیف نحیف ہویاں ، سدا عشق جوانی دا دے ڈورا



ظلم کردا برہوں نہیں ڈردا ، گئی ظلم تھیں کوک اسمان لوکو
 بازی عشق تے حسن دی لا بیٹھا ، پیا شور ہے وچ جہان لوکو
 ول ول ماردا عاشقاں صادقان نوں ، گھائل تڑفدے پئے بے جان لوکو
 غریب شاہؔ بیداد دی داد لینی ، عالی بارگاہ حشر میدان لوکو




عشق پیا میرے پیش مائے ، نہ کوئی خویش بیگانہا بُجھدا ای
 بسمل مرغ دانگوں پئی ترفنی ہاں ، بھانبر شوق والا بل بل بُجھدا ای
 شمع وانگ میں سوز گداز ہوئی ، میرے گرد پروانہ نہ رُجھدا ای
 غریب شاہ محبوب نے خوب کیتی ، جگر وانگ کباب دے بُجھدا ای




غماں نے مار کے چور کیتی ، میری عمر بتی دکھاں نال سیو
 گیا یار و سار نہیں سار لیندا ، اوکھا حال میرا مندی چال سیو
 لوکاں بھانے عشق سوکھا لڑا ای ، بھانے عاشقاں دے لوہا لال سیو
 غریب شاہ غریب کہہ حال دے ، ڈلھے نین میرے گھلے وال سیو



فائدے عشق دے واعدے فی ، جسدے پیش آون سو یو جان دا اے
 بیڑی ننگ ناموس دی ڈوب دیندا ، خوشی عیش سودایاں دی مان دا اے
 ہتھ ٹنڈتے پنڈ پھر اوندا اے ، لتھی چڑھی نہ مول پچھان دا اے
 غریب شاہ ترٹیاں چوڑ کر کے ، خاک کوچیاں دی چھنوا نودا اے




قدم شریف دکھا مہنوں، دامن لائیںوں دکھاں رولیاں میں
 پہنہ تپ کے داگ تنور ہوا، تہاں ایں سوز کنوں سڑ بولیاں میں
 گرد مہربانی ہووے زندگانی، تیرے نام سوہنے اتوں گھولیاں میں
 غریب شاہ غریب کیہہ حال دے، جھب آپار یا ڈولیاں میں



کون تے فریاد مہری، تیرے ہانجھ پیار یا جانیاں وے
 دیویں داد مینوں کریں شاد مینوں، لکھ عرض سوال سنایاں وے
 پلے دم ناہیں کسے کم ناہیں، ہنو ہٹ بازار دکانیاں وے
 غریب عشق دے جوش بے ہوش کیتی، تیرے شوق پائیاں گل گانیاں وے



لگ رہیاں اکھیں جانیا وے، ہن ہنکیاں مول نہ رہندیاں نہیں
 تیرے درس دیدار دے دیکھنے نوں، مل راہ پیار یا بہندیاں نہیں
 تیرا دیکھ جمال نہال ہوئیاں، صورت حال نوں صاف ایہہ کہندیاں نہیں
 غریب شاہ ایہہ نکدیاں تھکدیاں نہ، لکھ جھڑک مصیبتاں سہندیاں نہیں




مل بیٹھی بندی راہ تیرا، چنگی مندی نوں کریں قبول سائیاں
جس دا ماں نہ باپ نہ بھین بھائی، اس نوں آسرا رب رسول سائیاں
طعنے ماردا گل جہان سارا، اک برہوں دا قہر نزول سائیاں
غریب شاہ اس عشق دیاں کٹھیاں نوں، گتے کاں نہ کرن قبول سائیاں



نگ ناموس دا لنگ کیہہ آ، ایہناں عاشقاں درد رنجانیاں نوں
جہناں جان جہان ونجا وِتا، پئے جھور دے رب دیاں بھانیاں نوں
ہتھیں اپنی زہر خریدو نیں، آہیں مار دے مفت وکانیاں نوں
غریب شاہ قضاء جدا کیتے، پئے ڈھونڈ دے تھاں ٹکانیاں نوں



وا وگ گئی تقدیر والی، تدبیر دی پیش نہ جاوندی اے
اکھیں لگ رہیاں جتھے جانیاں وے، دلوں یاد نہ اوسدی جاوندی اے
متیں دین سنیاں شب وروز پیاں، اکھیں سڑدیاں نیند نہ آوندی اے
غریب شاہ وصال محال دے، سبھو ہجر دی گل دے آوندی اے



ہاریا ماریا نفس جنہاں ، تنہاں یار دا درس دیدار کیتا
 اوہناں دونویں جہان قربان ، کر کے سودا عشق دا وچ بازار کیتا
 لوہا دے کے لعل خرید یونیں ، اکھیں ویکھ کے شکر ہزار کیتا
 غریب شاہ ایہہ علم نہ عالماں نوں ، نبی بخشیا علیؑ اظہار کیتا



لنگھ گئیاں سبھو پار سنیاں ، میں ادوار کھلی پچھوتاؤنی ہاں
 نیک عملاں دی باس نہ پاس میرے ، کلمے پاک دی آس دھراؤنی ہاں
 نہ میں پار گئی نہ اورا رہی ، وچکار پئی غوطے کھاؤنی ہاں
 غریب شاہ غریب نوں کون جانے ، تینوں جگ جانے بندی گاؤنی ہاں



آب حیات پلا مینوں ، ایہو شوق چروکنا چا مینوں
 پانواں زندگی ابد آباد والی ، اک گھٹ جے کریں عطا مینوں
 قید ہستی دی بود نابود ہووے ، ہووے حق دے نال بقا مینوں
 غریب عرش تا فرش مکشوف ہووے ، ہووے رب دا خاص لقا مینوں



یار دے عشق ظہور کیتا، جام مست پیتا ہستی دور ہوئی
ایہو مرتبہ عین فنا والا، غیر نال بقاء معمور ہوئی
فمن کمان یزجفون لقا رتہ، وعدہ وصل دا بات مشہور ہوئی
غریب شاہ بہن آپ نہ جاپ کوئی، از سرتا پا نور و نور ہوئی



بسم الله الرحمن الرحيم

قصیدہ شریف

مُرشد پاک جناب امیر علیہ السلام

کلام حضرت صاحبزادہ

سید نیاز احمد شاہ صاحب

کاظمی المشہدی قادری نوشاہی

قدس سرہ، العزیز

(سجادہ نشین درگاہ عالیہ بدو مہی شریف)

چُن چُن لبھیا میں جگ دُنیا تُوں
 تُوں نبی سارا تُوں جلی دا
 جسم علی سارا تُوں نبی دا
 مَن کُٹ مولا سی کہیا نبی نے
 بچن لگ کہہ کے منھیا سبھی نے
 مثل نبی، علی بتاں تُوں ڈھاوے
 لکھاں ملعوناں تُوں کلمہ پڑھاوے
 مرشد پاک دی ریس نہ کوئی
 ہر اک دی کردا اے دل جوئی
 مرحب، عمروتے انتر تُوں کٹیا
 انگلیاں دُوں نال خیر تُوں پٹیا
 سارج ڈھلے تُوں دوبارہ چڑھایا
 نصیری تُوں کئی وار جوایا
 مولا میرے مینوں نجف وکھائیو
 کر بل والے دی دید کرائیو
 چُن چُن لبھیا میں جگ دُنیا تُوں

مرشد پاک جناب امیر

ایویں کردے نہیں شور شریہ

ہونے کل دے نہیں مولا امیر

کئی گھلے وچ جہنم بے پیر

وڈا خلق، بشیراً نذیر

میرا مولا ہے شانِ قدیر

تاکیں کردا ابو امیر امیر

کردا اے عجز نیازِ فقیر

مرشد پاک جناب امیر

بسم الله الرحمن الرحيم

رمز العاشقین

کلام

حضرت سید ملک علی شاہ صاحب

کاظمی المشہدی قادری نوشاہی

درگاہ عالیہ بدو مہی شریف ضلع نارووال

مَن مظہر ذات الہی دا جُو نفس خلاف نہ پائی دا
اس بازی تے سر لائی دا کر ظالم نفس اسیر میاں

پھڑ دامن کامل پیر میاں
سکھ روحانی اکسیر میاں

مَن مرشد باہجہ نہ پائی دا ایویں ضائع وقت وہائی دا
بہہ انت سمیں پچھتائی دا لاہ پیروں حرص زنجیر میاں

پھڑ دامن کامل پیر میاں
سکھ روحانی اکسیر میاں

مَن موتی مخفی گنج سے ہے پر پانا اس کا رنج سے ہے
یہ چال اوکھی شطرنج کی ہے چُک پردہ ویکھ ضمیر میاں

پھڑ دامن کامل پیر میاں
سکھ روحانی اکسیر میاں

مَن ملیاں ہستی ملدی اے نہیں کیا حقیقت گل دی ہے
یہ نورانیت دل دی ہے اٹھ پردہ غفلت چیر میاں

پھڑ دامن کامل پیر میاں
سکھ روحانی اکسیر میاں

من آیا تن آباد ہوا جب گیا تو پھر برباد ہوا
کتے غمگیں تے کتے شاد ہوا یہ من کی ہے تفسیر میاں

پھڑ دامن کامل پیر میاں
سکھ روحانی اکسیر میاں

من انتر جامی اندر کا سکھ باشی ہے اس مندر کا
یہ محرم راز قلندر کا بہو رنگی خوش تدبیر میاں

پھڑ دامن کامل پیر میاں
سکھ روحانی اکسیر میاں

من مُرلی کشن بجائی ہے سب سکھیاں ہوش بھلائی ہے
وچ گوکل دھوم مچائی ہے یہ من کی ہے تفسیر میاں

پھڑ دامن کامل پیر میاں
سکھ روحانی اکسیر میاں

من بلبل تن کو باغ جانو سب اس کے یہ رنگ راگ جانو
کتے گرہی کتے تیاگ جانو ہے تن کے بیچ اسیر میاں

پھڑ دامن کامل پیر میاں
سکھ روحانی اکسیر میاں

جب من کے سفنے پائینگے تب راگ حقیقت گائینگے
وچ بحر وحدت دے نہائینگے ایہو جان علیم خبیر میاں

پھڑدامن کامل پیر میاں
سکھ روحانی اکسیر میاں

من منکا یہ مالا ہے نت نام سے پھرے سوکھالا ہے
بہو سندر روپ اجالا ہے یہ تن کا ہے گر پیر میاں

پھڑدامن کامل پیر میاں
سکھ روحانی اکسیر میاں

اس من سے روح مراد ہوئی جس ملیاں خاک آباد ہوئی
کتے سامع کتے مناد ہوئی ایہو اول ایہو اخیر ہوئی

پھڑدامن کامل پیر میاں
سکھ روحانی اکسیر میاں

دوئی دور ہوئی جب ملک علیؑ ہو یا وصل روحانی خوب جلی
روح باغ وحدت کی خاص کلی ایہ قُدوسی تصویر میاں

پھڑدامن کامل پیر میاں
سکھ روحانی اکسیر میاں

بِسْمِ اللَّهِ الرَّحْمَنِ الرَّحِيمِ

بارہ ماہ

تہذیب

حضرت سید ملک علی شاہ صاحب

کاظمی المشہدی قادری نوشاہی

درگاہ عالیہ بدو ملہی شریف ضلع نارووال



آئیاں پہاگن چیت بہاراں
کھلیاں ہر ہر جا گلزاراں
زل مل بہین یار سنگ یاراں
بھیڑی پا پن تنہا رہتیاں
باقی سکھ ون سب ستیاں

پتیم پیت لگا کے جا بے اس دیس
ہرنگری بن ڈھونڈتی کر جوگن کا بھیس

دوہڑا



چڑہیا چیت اداس میں بھتیاں
دل نوں ڈھارس دیون ستیاں
آکھن خبراں شوہ دیاں پیاں
بیٹھی نت میں کانگ اڈاواں
ساجن آوے تے گل لاناواں

ساجن نکھڑے جگ بھنئے دل کو پڑت نہ چین
بید طرح تن بیسکلی کانپت ہے دن رین

دوہڑا



چڑھیا ماہ بیسا کھی آئی لایا یار شراب سراچی
 پیالے بھر بھر دیوے ماہی کیتا نشے شراب دیوانہ
 ملیا محرم راز یگانہ

محرم راز ہووے جے ساقی کھلن راز یگانے
 پی کے جام حقیقت والا ہو جائے مستانے

دوہڑا



چڑھیا جیٹھ جیٹھانی بولے پاوے دل میرے وچہ رولے
 کوڈی نال جواہر تولے جے گور پیارا سار نہ لیندا
 میں گمراہی دے وچہ پیندا

میں اپراہدی کامی پاپی کھوٹیاں کرمانوالا
 رکھ لولاج شرم گورو میری توں ہیں شرمانوالا

دوہڑا



چڑھیا ہاڑتے برفاں ڈھلیاں ندیاں دھاوے سمندر رلیاں
 دیکھاں گھانا تے پئی کھلیاں مینوں پار مہانیاں لائیں
 چتیم پیارے پاس پہونچائیں

درد عشق دے جیکر میرے سنے مہاناں سارے
 باہوں پھڑکے اس دریا تھیں مینوں پار اُتارے



چڑھیا ساون بادل برسن نین اداس پیا توں ترسن
 کد ہوون ماہی دے درشن جس دن تھیں پردیس سدھارے
 گزرن راتاں گن دیاں تارے

رات ہجر دی کالی مگن وچ نہ آوے
 صبح وصال ہووے کد روشن سوہنا مکھ دکھاوے





بھادول بھاہ لگی تن میرے پائے عشق مرے پھیرے
دل میرے وچ لالے ڈیرے پیدا خون ایہ مول نہ رتے
جگے شیر دے وانگر گئے

عشق بھسیلا گج گج پیدا، بیوے خون جگر دا
گوشت پوست سب کھا جاوے عاشق مول نہ ڈردا

دوہڑا



اُسوں آس امیدیاں ہویاں بن میں دُوروں نیڑے ہوئی آں
دلبر کرن لگا دل جوئیاں جد اوہ فضلوں پھیرا پاوے
اُجڑے گھر نوں چا وساوے

درد بھر دیاں آہیں سُنکے درد وند اوں والا
پل وچ یار ملاوے فضلوں مستانہ متوالا

دوہڑا



کاتک کرماں والا آیا گورو نے اعلیٰ گیان بتایا
 ہر جی اپنے گھر وچ پایا جب میں گورو کے گیان بجا رہے
 بھیتر کے پٹ کھل گئے سارے

عاشق دے جد دل تھیں پردہ غیرت دا جا چاوے
 یار حباباں تھیں ہو باہر سُندر روپ دکھاوے


دو پڑا



مگر مگر ماہی جو جائے پہلے سردی بھینٹ چڑھاوے
 پھر بے رنگی تھیں رنگ لے آوے مُو تُو قَبْلَ رَمز پرکھے
 مرنے سے پہلے مریکھے

یار حقیقی اتوں جس نے سر قربانی کیتا
 نال خوشی دی اس نے پیالہ آب حیات پیتا

دو پڑا



پوہ سئے پیا دین دیا لن آئے پیت پرانی پالن
 نالے اتم ورس دکھالن ایسے پر بھ جی ورس دکھائے
 لکھنے پڑھنے بیچ نہ آئے

بے رنگی تھیں سب رنگ لایا باہر ہر جا سما یا
 باہجوں عاشق صادق اس دا بھید کسے نہ پایا



چڑھیا ماگھ تے ماگھی آئی نخن اُتر ب دی سدھ پائی
 سرتی صورت دے وچ آئی گورو نے گھر وچ یار ملا یا
 دکھاں درداں تھیں سکھ پایا

سرتی صورت دے وچ آئی دیہہ استھوں چھپائی
 درشن روپ دکھم دا ہو یا کارن جوت لگائی



باراں ماو بہانہ جانو	اصلی گورو دی اُس تک جانو
گورو دی اُس تک کہی نہ جائے	بھاویں صدہا قلم کھسائے
گوربوہ رنگی ہے بوہ بیکھا	گورنوں بوجھو سدا الیکھا
ہے بے انت سدا سکھ باشی	ہے نر لیب مہاں ابناشی
پورن پر مانند پہچانو	سُرپ و یا پک ہر جا جانو
جس نے ست سنگت پائی	بھرم دوئی نہ رہیا کائی
جس ست سنگت رس نہیں پایا	جنم اکارت اوس گنوايا
جس نے پہلا جنم گنوايا	ہرجی اُس نے گھروچ پایا
پہلا جنم جو بھولے ناہیں	اُس کی جوت رہے من ماہیں
ملک علی گور سے گت پائی	گور نہ بھولو میرے بھائی

اُنی سو تہتر اندر جوہر دے وچ آئی
 سنتاں بھگتاں دی وچ خدمت بانی فقر سنائی

